

2023

APU NETWORK BILTEN



APU Mreža je neprofitno udruženje koje okuplja ljude i kompanije koje žele biti dio doprinosa pozitivnom razvoju između Švedske i Bosne i Hercegovine. APU mreža je mjesto za razmjenu znanja i iskustva.

Mi gradimo mostove između biznisa, društva i različitih interesnih grupa.

U 2023. godini, APU Mreža je organizirala nekoliko tradicionalnih ali i novih projekata, u sklopu svoja

4 glavna stuba rada:

umjetnost

kultura

sport

poduzetništvo

Odziv na projekte, te angažovanost naših članova je ove godine bila fantastična.

Generalna Skupština APU Mreže je održana 23. aprila, na kojoj je Upravni odbor dobio i jednu članicu - Aminu Agović.



1. MART - DAN NEZAVISNOSTI BIH

Obilježavanje Dana nezavisnosti BiH je tradicionalni projekat kojeg implementira APU mreža kako bi sa svojim članovima proslavila proglašenje nezavisnosti Bosne i Hercegovina 1992. godine, što je na kraju dovelo do njenog suvereniteta. Svake godine se okupljamo u Švedskoj da proslavimo ovaj dan, kao podsjetnik na otpornost nacije i poziv na rad ka prosperitetnoj i harmoničnoj budućnosti.

U 2023. godini smo obilježili ovaj dan kroz *Svečanu akademiju* koja se održala **4. marta u Brygghuset-u u Štokholmu**.

Ovu posebnu večer smo organizirali uz podršku BHRF i BHKRF organizacija, koje su održale *Svečanu akademiju o historiji sevdalinke*, sa predavačicama iz BiH - , sopranisticom **Dženanom Huseinagić** i pijanisticom **Dženanom Šehanović-Sarajlić**. Dženana i Dženana su također u toku večeri nastupale izvedeći tradicionalnu sevdalinku na klasični način.

Sa gostima iz oblasti poduzetništva (gosp. Amir Ćoralić, Dr. Mahir Vazda, MD), te kulture i umjetnosti (Dino Medanhodžić, Dženana i Dženana), te predstavnicima organizacija BHKRF Mersom Mušić i BHRF Reneom Nimer, proslavili smo našu kulturu, tradiciju i uspješne sugrađane, te govorili o razvoju BiH i donijeli dašak nje u Švedsku. Videom su se gostima obratili i Njegova ekscelencija Član Predsjedništva BiH Željko Komšić i Ambasadorica BiH u Švedskoj Elvira Dilberović.

Program se vrlo uspješno i dostojanstveno održao sa oko 100 zvanica.





ROŠTILJADA

Tokom Kick-off sastanka sa novim članovima, odlučili smo organizirati prvu Roštiljadu u Štokholmu.

27. maja je u Štokholmu u Stora Skuggan, održana prva *Roštiljada* uz preko 60 gostiju. Generalni sponzor za ćevape, lepine i ostale namirnice za roštilj je bio *Plivit Trade*.

Pored uživanja u tradicionalnoj hrani i muzici, naši članovi su imali priliku uživati u suncu i raznim igrama, uključujući nogomet i kubb, a najmlađa raja je posjetila obližnji zoo.





DJECA SA CNN-A

Premijera filma u Štokholmu, na inicijativu APU članice Amra Liv Christiansen

APU Mreža je 2. decembra organizirala prikazivanje filma **"Djeca sa CNN-a"** u Zita Folkets Bio, uz počasne goste Aidu Bukvić (režiserka) i Amara Bukvića (glavni glumac). Njihov uvid u stvaranje filma "Djeca sa CNN-a", izazove s kojima su se suočavali za vrijeme snimanja i prikazivanja filma, te emocionalno putovanje oživljavanja ove priče dali su lični štih cijelom iskustvu.

Srdačna priča i moćne izvedbe na ekranu duboko su odjeknule kod svih prisutnih, čineći to nezaboravnim filmskim iskustvom. Aidina posvećenost autentičnom prikazu ljudskog iskustva ostavila je neizbrisiv trag na sve koji su bili svjedoci ovog kinematografskog remek-djela.

Ovom događaju je prisustvovalo preko 150 zanica, uz specijalne goste iz veleposlanstva Hrvatske, Ambasade BiH u Švedskoj, STV-a i Dramaten-a.





APU PAHULJA

Tradicionalni sportski događaj u Idre fjäll

Skijanje i drugi zimski sportovi sastavni su dio aktivnog sportskog života i za Švedsku i za Bosnu i Hercegovinu - stoga je sasvim razumljivo da našim članovima ponudimo godišnje skijanje svakog Božića.

U saradnji sa Norden resorom, ove godine je oko **200 učesnika** posjetilo Idre fjäll, gdje su naši obučeni instruktori skijanja održali školu skijanja za djecu i odrasle, te organizirali mnoge druge aktivnosti i večernja druženja uz muziku. APU Pahulja je održana od 22. do 29. decembra 2023. godine.





... I MNOGE DRUGE AKTIVNOSTI

U toku 2023. godine, APU mreža je ostvarila saradnju sa nekoliko bosanskohercegovačkih udruženja u Švedskoj i u BiH, te se pridružila organizaciji i planiranju drugih aktivnosti i projekata, uključujući:



BOSNISK-HERCEGOVINSKA RIKSFÖRBUNDET I
SAMARBETE MED NBV ANORDNAR

SREBRENICADAGEN

FOLKMORD I SREBRENICA

Föreläsning av Maria Hallenius Henrysson
på temat fred, rättvisa och försoning i skuggan
av förnekandet av folk mordet i Srebrenica,

Från Dayton till hållbar fred?

den 11 juli kl. 18:00

Obilježavanje Jedanaestog jula, Dana Srebrenice, uz saradnju sa BHRF

Povodom ovog događaja, Maria Hallenius Henrysson je govorila o miru, pravdi i pomirenju u sjeni negiranja genocida u Srebrenici.



Obilježavanje Dana bijelih traka, uz saradnju sa BHRF

Juna 3, na ulicama u Štokholmu, brojni bh. građani i njihovi prijatelji su nosili bijele trake, cvjetove sjećanja uz dva panoa postavljena na strateškim pravcima gdje su prolaznici mogli dobiti informacije o samom događaju, na švedskom jeziku.

Scout Summer Camp u BiH - u pripremi

Odred Izviđača "Visoko" u BiH, u saradnji sa APU mrežom planira organizaciju ljetnog kampa u Bosni i Hercegovini za djecu i roditelje nastanjene u Švedskoj, a koji su porijeklom iz BiH. U zavisnosti od broja zainteresovanih, ovaj projekat će biti implementiran u budućnosti.





HVALA VAM ZA USPJEŠNU 2023. GODINU



Bryggghuset



PLIVIT TRADE
FAM
GOLALIĆ



Nordic Executive Medicine



ISLAMSKA ZAJEDNICA BOŠNJAKA
GÖTEBORG

